



Inatsisartunut ilaasortaq  
Doris Jakobsen  
Siumut

## **Danmarkimi Kalaallit Illuinut tapiissutit pillugit § 37 naapertorlugu apeqqummut nr. 2011-11-mut akissut**

Asasara Doris Jakobsen

Aningaasanut inatsimmi kontumit 40.90.02-mit, Kalaallit Illuinut Tapiissutit, tapiissutit pillugit § 37 naapertorlugu apeqqutit innersuussutigalugu Naalakkersuisut apeqqutitit ima akissavaat:

### **Apeqqut 1. Danmark-imi Kalaallit Illuisa Namminersorlutik Oqartussanit tapiissutaat soormi taamak assigiinngisitaartigippat?**

### **Apeqqut 2. Tapiissutinik nalilersueqqinnissaq pilersaarutaanerluni?**

#### **Apeqqutinut marlunnut tamanut akissut:**

2011-mut Aningaasanut Inatsimmi konto pingaarnermut 40.90.02-mut, Kalaallit Illuinut tapiissutit, missingersuutininut ilanngussami allassimasutut 2011-mi Kalaallit Illuinut tapiissutinik nutaamik agguariaaseqartoqalerpoq. Taamaattumik tapiissutinik nalilersueqqittoqarnissaanik pilersaaruteqartoqanngilaq.

Nunap immikkoortui sisamat Kalaallit Illuinit kiffartuunneqartut angissutsimikkut assigiinngimmata Naalakkersuisut tapiissutinik assigiissaarinissaq naapertuussorinngilaat. Nutaamik tapiissuteqariaaseqartoqalerpoq nunap immikkoortuisa assigiinnginnerannik ilanngutsitsiviusumik tapiissuteqartarnerup erseqqinnerunissaanik kissaateqartoqarnera tunuliaqutaralugu Kalaallit Illui suleqatigalugit.

Ukioq mannamiit konto pingaarnermi tapiissutit aningaasaliissutit najoqqutaq nunap immikkoortuani kalaallit illuisa ataasiakkaat kiffartuussaanni pissutsinik makkuninnga ilanngutsitsiviusoq malillugu:

- Innuttaasut tamarmiusut amerlassusaat. Agguaanermut najoqqutarisamut 10 %-inik ilaavoq "Paasissutissiisarnermut tapiissutit".
- Inuit Kalaallit Nunaanni inunngortut amerlassusaat, taakku angajoqqaavini ikinnerpaamik ataaseq aamma Kalaallit Nunaanni inunngorsimassalluni. Agguaanermut najoqqutarisamut 50 %-inik ilaavoq "Isumaginninnikkut sulinermut tapiissutit".
- Ilinniartut Nunatsinnit ilinniagaqarnersiutisiaqartut amerlassusaat. Agguaanermut najoqqutarisamut 40 %-inik ilaavoq "Ilinniartunut siunnersuinermut tapiissutit".

21. januar 2011  
Sagsnr. 2011-044291  
Dok. nr. 544225

Postboks 1029  
3900 Nuuk  
Tlf: +299 34 50 00  
Fax: +299 32 20 73  
Email: kiin@nanoq.gl  
www.nanoq.gl

Tamatuma saniatigut agguanermi najoqqutarisaq qulaani taaneqartoq malillugu atugassanngortitsinnginnermi Odensemi, Århusimi Aalborgimilu Kalaallit Illuinut ilinniartunut ineqartitsisuusunut kiisalu Københavnimi Kalaallit Illuannut ilinniartunik Kalaallit Nunaata Danmarkillu avataanni ilinniartuusunik ilinniarusuttunilluunniit kiffartuussisuusumut aalajangersimasumik tapiissuteqartoqartarpoq.

Inussiarnersumik inuulluaqqusillunga

Mimi Karlsen